

四庫全書

集部

欽定四庫全書

宋詩紀事卷十九

錢塘厲鶚撰

楊繪

繪字元素綿竹人皇祐初擢進士第二神宗朝累官翰林學士御史中丞哲宗朝終天章閣待制知杭州有集

墨莊漫錄嘉祐中有王永年者娶宗女求舉于竇卞楊繪得監金耀門書庫嘗置酒延卞繪出其妻間坐妻以左右手掬酒以飲卞繪謂之白玉蓮花杯可謂善體物者也

春遊

傾城追逐豔陽天上已清明節序連桃李光陰足駘蕩
湖山風月更鮮妍谷中荅響飄新曲波底妝光颺綵船
遲日未西人已醉綠楊柔弱舞秋千

合璧事類前集

落花

夜來經雨學啼妝今日摧紅怨夕陽已落旋隨春水急
強留還怯晚風狂應將別恨憑鶯語更把歸期趁蜨忙
誰謂多情消不得夢魂猶惜滿闌香

夢梁錄

壽山

壽山北接侵隋碧湏水南流接漢清宋玉陽臺猶暮雨

子虛夢澤已春耕

湖廣總志

謝景溫

景溫字師直絳次子皇祐元年進士元祐初歷
官權刑部尚書知鄆州徙知河陽

中山詩話梅聖俞幼戲謝師直詩曰古錦裁詩
句斑衣戲坐隅木奴今正熟肯效陸郎無師直
小名錦衣奴至十歲讀此方悟之

遊雲門

若邪欲盡山轉青中有三寺山為屏秦峯表裏植蒼翠
仰視萬木相崢嶸雪霜洗盡塵土跡龍蛇蟄處烟氛生
我攜賓友事登覽穿徑已覺毛骨輕窮幽陟險興不盡
巖房留宿神逾清寒隨陰谷一夜至酒力半酣如不勝
狂歌出行步竹徑正是溪橋雙月明幽泉亂迸石竇響
松風遠送猿聲凌晨後嶺縱俛仰長林翠阜何從衡
獻之舊地不可辨懸崖欲斷石為阨五雲散盡遺蹟滅

老僧至今傳此名憑高覽古復太息翻嗟萬事多廢興
丈夫出處固未測我于山水夙有盟區區世路雖可厭
脫身向此誠獨醒豈如乘興事茲樂賞心不繫窮與亨
昔人避世非獲已我今安學禽鳥情

雲門集

呂大防

大防字微仲藍田人皇祐初進士神宗朝累除
知制誥哲宗即位為翰林學士拜尚書右丞封
汲郡公進尚書左僕射兼門下侍郎紹聖初以

黨論責授舒州團練使循州安置未踰嶺卒高
宗朝復故官贈太師宣國公諡正愍有呂汲公

文錄

萬里橋西有僧居曰聖果後瀕錦江有修竹數千
竿僧辯作亭于竹中予與諸公自橋乘舟泝流過
之因名亭曰萬里蓋取其發源注海與橋名同而
實異作小詩識之

萬里橋西萬里亭錦江春漲與隄平
竿舟直入修篁裏

坐聽風湍徹骨清

成都文類

李 覲

覲字泰伯建昌軍南城人皇祐初以薦試太學
助教終海門主簿太學說書有退居類豪

絕句

人言落日是天涯望極天涯不見家
已恨碧山相掩映
碧山還被暮雲遮

青箱雜記識者謂此詩意有重重障礙李君其
不偶乎後果如其言

清明

遲遲日影坐成曛
聞說清明在此晨
花卉不宜愁眼看
句萌能為幾人春
銷磨志氣多因老
檢點交遊半作塵
欲向醉中聊自適
病來還厭舉杯頻

王方平

五百餘年別恨多
東征重得見青蛾
擗麟始擬窮歡樂
不奈閒人背癢何

壁月

璧月迢迢出暮山素娥心事問應難
世間最解悲圓缺
祇有方諸淚不乾

梁帝

凝旒南面總虛名廟祀何曾暫割牲
但學禪心能忍辱
莫羞侯景陷臺城

送僧遊廬山

行非為客住非家此去廬山況不遐
要見南朝舊人物
池中唯有白蓮花

憶錢唐江

當年秉醉舉歸帆，隱隱前山日半銜。
好是滿江涵返照，

水仙齊著淡紅衫。

以上貯江集

望海亭席上作

七閩山水掌中窺，秉興登臨到落暉。
誰在畫簾沽酒處，幾多鳴櫓趁潮歸。
晴來海色依稀見，醉後鄉心積漸微。
山鳥不知紅粉樂，一聲檀板便驚飛。

湘山野錄：蔡君謨出守福唐時，泰伯自建昌攜文選之一日，命泰伯及陳孝廉烈早膳于後園。

望海亭不設樽酒膳罷欲起時方暮春鬻酒于園郡人嬉遊藉姬數子時亦尋芳于此既太守在亭因斂袖聲喏而退蔡公遂留之旋命觥具就以爲侑酒方行舉歌一拍陳烈者驚懼怖駭越牆攀木而遁泰伯卽席賦詩云云

句

幾函道藏金壺墨一片秋容玉井花仙都觀酒鄉貧更

入詩債病猶還

和陳殿撰

天冷雲含白溪清水獻沙

感秋歷

代吟譜

張唐英

唐英字次功蜀州新津人丞相商英之兄自號黃松子皇祐初調穀城令熙寧中仕至殿中侍御史有嘉祐名臣傳蜀檮杌行于世

題傳舍詩

先帝昭陵土未乾又聞永厚葬衣冠小臣有淚皆成血
忍向東風看牡丹

卹氏聞見前錄熙寧元年春唐英以前御史服除還京朝過洛府尹同僚屬出賞花皆不見題詩傳舍云云時仁宗山陵初成英宗厭代尹聞之遣書為禮卻而不受賴唐英還朝不得歸臺

不然河南尹者不免矣

裴大亮

大亮皇祐四年以尚書虞部員外郎知商州

題西巖寺

清溪如鑑照行人
谷鳥山花景漸新
五馬頻來無別事

為思江上若邪春

陝西通志

鄭炎

炎皇祐初漢中郡守

贈張俞秀才遊金華山

凌晨別我將何適
鶴態飄然振霜翮
指點金華欲去遊
騎驢直造煙霞宅
一片嵐光凝不飛
數里松陰翠欲滴
背臘山寒雪未消
迎春地暖花爭拆
水潺潺兮風索索
簾卷虛堂正岑寂
高歌應有鬼神聽
狀物潛驅鴻化力
繫我浮生繫郡符
安得乘閒訪靈跡
吟成一首送君詩
倩僧勒上巖邊石

陝西通志

鄭獬

獬字毅夫安州安陸人皇祐五年進士第一神
宗朝拜翰林學士為王安石所惡出知杭州徙
青州提舉鴻慶宮卒有鄖溪集

郡齋讀書志毅夫為文有豪氣峭整無長語與
滕達道少相善嗜酒落魄無檢操人目之曰滕
屠鄭沽

題垂虹橋寄同年叔楫祕校

劉孜字叔楫原父之
弟時為吳江尉

三百闌干鎖畫橋行人波上踏靈鼇插天蟠螭玉腰闊
跨海鯨鯢金背高路直鑿開元氣白影寒壓破大江豪

此中自與銀河接不必仙槎八月濤

中吳紀聞

題僧文瑩所居壁

守杭日作

西湖頻送客綠波舟楫輕春入蘿徑靜浪花翻遠晴

題杭郡閣

雨影橫殘虹秋容陰映日寒江帶暮流曉角穿雲出峯
藏翠如織宿鳥去無跡封書寄所懷聊託金門翼

玉壺清話二詩時頗訝其氣象不遠後解杭麾
將赴青社以病泊舟楚州卒

省中畫屏蘆雁

高堂傾動長江流黃蘆羣雁滿滄洲埽開長安塵土窟
寫出江南煙水秋兩雁斜飛入空闊四雁顧慕橫沙頭
高風拉折蒼玉幹蘆花雪盡無人收赤日飛光不敢近
但覺爽氣屏閒浮嘗聞畫龍入神變坐馳雲雨天地遊
只恐此雁亦飛去瀟瀟萬里誰能留

聲畫集

采鳬茨

朝攜一筐出暮攜一筐歸十指欲流血且急眼前飢官
倉豈無粟粒粒藏珠璣一粒不出倉倉中羣鼠肥

宋文鑑

朱亥冢

高論唐虞儒者事賣交負國豈勝言憑君莫笑金椎陋
卻是屠酤解報恩老學菴筆記

絕句

田家汨汨水流渾一樹高花明遠村雲意不知殘照好
卻將微雨送黃昏能改齋漫錄

代探花郎一絕

嫩綠輕紅相向開一番走馬探春回青衫不管露痕溼

直入亂花深處來
苔溪漁隱叢語

春詞

小池春破玉玲瓏
聲觸簾鉤漸好風
閒繞闌干掐花樹
春痕已着半梢紅
錦繡萬花谷

蠡口絕句

千重越甲夜城圍
戰罷君王醉不知
若論破吳功第一
黃金只合鑄西施

庚溪詩話吳門蠡口瀕太湖乃范蠡自此乘扁舟泛五湖也鄭穀夫詩云云

雪晴

天外丹霞一抹紅，瓦溝已見雪花溶。
前山未放曉寒散，猶鎖白雲三兩峯。
後村千家詩

恭和御製賞花釣魚

輦路鮮雲五色開，一聲清蹕下天來。
水光翠繞九重殿，花氣濃熏萬壽杯。
繡幕烟深紅會合，文竿風隱綠徘徊。
蓬山絕頂無人到，詔許羣仙盡日陪。

寄程公闕

念昔都門手一攜，春禽幾向芡蘿啼。
夢回金殿風光別，吟到銀河月影低。
舞急錦腰迎十八，酒酣金盞照東西。
何時得遂扁舟去，雪棹同君泛剡溪。

以上瀛奎律髓

浮雲樓

在安陸

樓在浮雲縹緲間，浮雲破處見朱闌。
山光對入鄖城紫，溪影橫飛夢澤寒。

湖廣總志

上翰林

中使傳宣內翰家，君王令草侍中麻。
紫泥金印封題了，

銀燭纔燒一寸花

淵鑒類函

句

東飛江雲北飛燕同寄青春不相見
夜來過嶺忽聞雨今日滿溪俱是花

詩人玉屑

滕元發

元發初名甫字元發以避高魯王諱改字為名
而字達道東陽人家蘇州皇祐五年進士第三
神宗朝累官知開封府翰林學士出守外郡哲

宗朝以龍圖閣學士知揚州卒諡章敏

梁溪漫志滕達道未遇時與諸生講學于僧舍
主僧出諸生夜盜其犬而烹之事聞有司治其
罪滕公為丐免守曰如能為盜犬賦則將釋之
滕公即口占其詞曰僧既無狀犬誠可偷輟藍
官之夜吠亢絳帳之晨羞搏飯引來喜掉續貂
之尾索綯牽去驚回顧兔之頭守大笑竟置不
問

寄越州范希文太守

江山千里接仁風都在東南秀氣中為問玉皇香案吏
蓬萊何似水晶宮

能改齋漫錄時元發守吳興

送俞退翁致仕還鄉

清時冲節是身謀
御史郎官不肯留
回首軒裳雙脫屣
放懷天地一輕漚
下雲雪月柴門靜
芰雨蘋風野艇秋
仰羨冥鴻空自媿
區區圖報未知休

湖州府志

句

萬國休兵外羣生奏凱中

皇祐五年御試
吹律聽軍聲

寒日邊聲斷

春風塞草長
傳聞漢都護
歸奉萬年觴

西旅來王
上古今詩話以

野色更無山隔斷天光直與水相連

月波樓話

竹坡詩

陳汝義

汝義晉江人皇祐五年進士

寄題錢公輔衆樂亭

聞說湖亭又一新不徒行樂樂斯民
水光賸占鷗鳬地人意賞從桃李春
試展畫圖清俗眼況聞几席傲天真
使君已陟嶠頭貴應為烟雲入夢頻

延祐四明志

韋驤

驤字子駿錢唐人皇祐五年進士累遷主客郎
中出為夔路憲知明州提舉洞霄宮有韋先生

集

古金章

金椒民間二稚子得金章于野分而競焉
入于縣縣以獻州

黃金鑄印龜為鈕埋沒郊原已綿久春泥深處襯耕蹄
臘雪銷時經獵走臘去春來幾百年年年寂莫無黃緣不
知何代何王賜于此奚為獨墜捐由來至寶寧長棄一
旦光輝難自祕牧兒羗子兩窺觀不識彫章祇知利里

胥白官官為收歛從下邑歸之州發囊啟襲生精彩十
目爭視寒星流粲然五字分明在蒼龍副將軍所佩將
軍安在惟空名方寸堅剛終不潰物否而通理所宜在
人誰謂殊于斯請看金印雜瓦礫未逢採拾無輕嗤

登蓬萊閣

行盡東州到此州登臨更盡北山頭孤城突兀連滄海
三島參差聳暮秋廣座下疑鼇負石危簷遠學蜃為樓
蓬萊方丈雖冥邈高閣今朝亦勝遊

賦牡丹黃蘗

倚闌凋謝若為情
旋拾殘紅入鼎烹
吞秀嚼香須細細
送春唯此一杯羹

以上韋先生集

蒲宗孟

宗孟字傳正閬州新井人
皇祐五年進士神宗
朝擢翰林學士拜尚書左丞
罷知亳州鄆三州
徙河中卒有集

遊虎丘

長松遶步水灣環寺據吳王冢墓間瘦石千層開碧玉
疎簾十里裹青山壁從池上斬巖起雲出門前自在閒
零落生公講臺下無人說法但空還

遊虎丘山書錢唐舊遊

失卻湖山恨去舟新年無意作春遊東風昨夜思龍井

曉雨全家入虎丘望見遠峯疑石街

南高峯勝處

誤尋歸路

認花樓

沙河勝處

明朝一出閭門去清夢遙知在兩州

以上

吳郡志

題徐冲晦處士舊隱

冲晦先生不肯官布衣謁帝布衣還尚嫌姓字騰人口惟
恐文章落世間大隱不妨居市井高吟何處問家山平
生寄意江湖上雲自無心水自閒

興化府志

錢藻

藻字純老臨安人文穆王元瓘子儼曾孫閤門
祇候順之之子家蘇州皇祐五年進士仕至翰
林侍讀學士權知開封府

天平山白雲泉

白雲巖靜最深隈，泉溜泓溶石竇開。
宿霧不生澄曉月，殘風輕漾蟄寒雷。
源從天漢星邊落，流自鼇峯海上回。
莫謂無心事，奔注曾隨霖雨下山來。

吳郡志

李先

先字淵宗，許州臨潁人。第進士，官至祕書監。

與杜秀才

南極多老人，及見九代孫。君今古儋州，氣質清且溫。今

年八十二頗覺行步奔白鬚映紅頰疑是義皇人

淵鑑

類函

吳處厚

處厚字伯固邵武人皇祐五年進士初為將作
丞蔡確嘗從處厚學賦及作相處厚通牋乞憐
無汲引意用王珪薦除館職出知漢陽軍上蔡
確車蓋亭詩擢知衛州卒紹聖中以元祐黨追
貶歙州別駕有青箱雜記

萍洲可談吳處厚知漢陽軍每謂鸚鵡洲沔鄂
佳處欲賦詩未就一日網吏來告覆舟吳問所
在吏曰鸚鵡堰吳拊案連唱大奇徐曰吾經年
為鸚鵡洲尋一對不得天俾汝也因得未減

九江琵琶亭

夜泊潯陽宿酒樓琵琶亭畔荻花秋雲沈鳥沒事已往
月白風清江自流

送客西陵

若邪溪畔醉秋風獵獵船旗照水紅後夜錢唐酒樓上
夢魂應遶浙江東

青箱雜記王安國作詩多使酒樓嘗語余曰楊文公詩有江南一酒樓隄柳拂人頭李白題詩徧酒樓錢昭度詩亦有酒樓長憶錢唐江上望酒樓人散雨千絲子詩有幾酒樓余荅曰吾詩有二酒樓安國曰足矣

題王正叔瀝景亭

亂鶯啼處柳飛花
拍拍春流漲曉沙
正是江南梅子熟
年年離恨寄天涯

宣和畫譜王穀字正叔居偃城之南城有小亭下臨瀝水榜曰瀝景亭南通淮蔡北望箕潁川原明秀甚類江鄉景物吳處厚詩云云

自諸暨抵剡

夷猶雙槳去莫不辨東西夕照偏依樹秋光半落溪風
高一雁過雲薄四天低莽蕩孤舟卸水村楊柳堤

出得雲門路風悽日夕曛船撐鏡湖水路指沃洲雲山
色周遭見溪流屈曲分一觴復一詠誰是右將軍

剡錄

李常

常字公擇南康建昌人皇祐中進士元豐中歷
太常少卿禮部侍郎哲宗朝拜吏部侍郎御史

中丞出知成都有集

解雨送神曲

怒風兮揚塵日爍石兮將焚水泉竭兮厚地裂嘉穀稿
兮孰媯且耘神龍兮靈壑挹清波兮幽漬鳴鼉鼓兮舞
神覲庶下鑒兮霈祥氛

肅旂旆兮先驅咽簫笳兮擁歸輿椒醑甘兮牲幣潔始
胖饗兮為之躊躕瞻前山兮嵯峨指去路兮縈紆神德
大兮報無以晦徒感涕兮長吁

宋文鑑

馬雲

雲皇祐中蘇州節度推官

訪踞湖仇山人隱居

雞犬眠雲白日空暮春花木滿川紅
茶甌香沸松林火藥杵聲清石澗風
玉帛未聞招隱士神仙今喜識臺翁
夕陽半局殘碁在醉倚巖邊紫桂叢

踞湖山

山臨太湖上寺隱青蘿閒五塢洞壑邃衆峯屏障環濃

嵐面光彩驚波背潺湲雲歸定僧寂月伴樵夫還林墅
掩蒙密級磴容躋攀錢氏建茅社此地為家山

條竹塢

檀欒徧巖川幽谷氣象鮮風玉自宮徵秋籟成管弦夕
靄起碧霧晨曦生綠烟花繁紫鳳飽質勁蒼蚪攀藤蘿
交密蔭仰不見雲天欲訪桃源路塢塢疑相連

吳郡志踞湖山即橫山也錢氏有國日造寺于
山下曰薦福寺里人又以寺名名之山有五大
塢圖經又名五塢山五塢舊名不雅皇祐五年
節度推官馬雲三遊此山求其林澗之美峯壑

之秀雲景之麗泉石之怪因其物象名之曰芳桂飛泉條竹丹霞白雲合踞湖為六題以詠之

襄州太守王侯洙復峴山羊公祠

漢水舒舒山崇崇
峴首稱清雄
南方強吳恃割據
選命儒將登元戎
太康以來千餘載
荊州遺愛思羊公
江山襟帶號形勝
藉此因成輔晉功
謂高賢事迹異
視之閒暇無怱怱
測知當日登臨意
景物亦與今朝同
新就峯嶺作亭舍
面勢豁若凌烟虹
蒼蒼雲木望不盡
浩蕩古意深何窮
盤回小逕至釣石
山下臨水有巨石曰釣臺
俯

視凝碧相連通叢篁森束林蒼鬱又從其下興祠宮迅
湍急瀨鳴澹澹濃嵐翠靄霏濛濛晦晴氣象隨變易朝
昏萬狀殊初終閣老分符二千石旗竿刻隼車畫熊管
內民租絕逋負里社歌鼓懽年豐府門晝扃官事退時
引賓佐嬉其中崖條嶺蔓雜丹白澗花滿眼羅青紅磴
道迤邐陟縈屈飄若巾屨騰秋空宜獨遊觀樂閒燕圖
樹佳政希前風經由麤得究本末強顏模寫慙非工音
辭鄙俚雖一唱下詞寒苦無怡融

襄陽府志

顧臨

臨字子敦會稽人皇祐中舉說書科為國子監直講元祐中拜天章閣待制河北都轉運使召為刑兵吏三部侍郎兼侍讀翰林學士紹聖初以龍圖閣學士知定州因黨論奪職斥饒州居住

雞肋編顧臨子敦內翰姿狀雄偉少未顯時人以顧屠嘲之元祐中自給事中為河北都運使蘇子瞻作詩送之云我友顧子敦軀膽兩雄偉便便十圍腹不但貯經史容君數百人一笑萬

事已十年卧江海了不見愠喜磨刀向猪羊醢
酒會鄰里歸來如一夢豐頰愈茂美平生批救
手濃墨寫黃紙會當勒燕然廊廟登劒履翻然
向河朔坐念東郡水河來屹不去如尊乃勇耳
顧得之不樂既行羣公祖道郊外子瞻辭疾不
往和前韻以送因以自解馬君為江南英面作
河朔偉人聞一好漢誰似張長史上書苦留君
言拙輒報已置之勿復道出處俱可喜攀輿共
六尺食肉飛萬里誰言遠近殊等是朝廷美遙
知別送處醉墨爭淋漓我以病杜門商頌空振
履後會知何日一歡如覆水善保千金軀前言
戲之耳

題招提院靜照堂

踏暑夏日長履霜冬日短乞詩賁新堂經年不辭緩虛

院莓苔青客衣塵土滿自矜非俗求容色長衍衍盈簞
寶珠璣東歸春正暖靜照名已傳主人宜亦反

至元嘉禾志

駕幸太學

五紀寥寥舊典章一朝清蹕下膠庠旗常日月隨天轉
文武衣冠列宿行拜老徒煩嗟漢室談經戒逸慕周王
已叨法從陪臨幸安足賡諸詠在堂

中州題詠集

句

如逢公釀年來富鬪虎匡螯稻正肥

蟹畧

胡 瑗

瑗字翼之泰州海陵人仁宗朝以布衣召拜校書郎為湖州學官皇祐中為國子監直講嘉祐中遷太子中允充天章閣直講以太常博士致仕

石壁 并序

余嘗覽李翰林題涇川汪倫別業二章其詞俊逸欲屬和之今十月自新安歷旌德而仙尉曾公望同遊

石壁蓋勝境也奇峯對聳清溪中流路出半峯佳秀
可愛傳聞新建汪公所居不遠掩映溪岫率類于此
且欲尋訪迫暮不獲因思旌川即涇川接境也而幽
勝過之汪公亦倫之別派也而儒雅勝之豈可使諷
詠不及于古乎輒成一首題于汪公屋壁雖不及藻
飾佳境比肩英流庶俾謫仙之詩不獨專美矣

李白好溪山浩蕩旌川遊題詩汪氏壁聲動桃花洲英
辭逸無繼爾來三百秋汪公亦蕃衍宗支冠南州其間

新建居林泉最清幽竹聲滿道院山光入書樓仙氣既
飄飄儒風亦悠悠子孫多俊異詞行咸精修我來至石
壁賞之不能休酣味碧溪水苦飲黃金甌因羨汪君居
復思汪君投遇景清興發浩與天雲浮斐章異繡段灑
翰非銀鈎庶與謫仙詩千古同風流

寧國府志

王疇

疇字景葵濟陰人舉進士皇祐中召試直祕閣
英宗朝累遷翰林學士禮部侍郎拜樞密副使

卒贈兵部尚書諡忠簡

送同年蒲叔範察判杭州監

釋之久未調王粲當從軍謂言塞垣事壯氣橫風雲育
材幸明代薦賢無令君如無漢酤冗沈此荆山珍萍氏
本譏酒周官有彝倫孝武事卻攘志清天地屯連兵無
時已四海蕭然貧官始操釀具權之飽師人利源一以
洩頽波蕩無垠糜穀費耒耜良釐爭清醇酒禁著律令
犯咎及其身狂藥乃陷穽傷哉堯舜民炎靈屬我后天

資英且仁邦力早雄富漢制仍相循歲賦二十萬經入
固已勤彌年擁武節聚邊清國氛雄雄百萬師跨邁擊
燕秦仰給傾武庫賞賚圖戎勲加斂猶不足返古當何
云杭城東南劇地將湖海鄰權利冠天下旗亭壓重闌
彼雖斗筭職亦擇才英臣風露氣已肅溪潭寒彌新沙
榜朝汎汎吳濤暮汎汎南州近牛斗氣象雄霜旻汀楓
變老桺赤葉晴相紛嘗茶泊幽寺觀魚下輕舫行當收
翹楚寧復混蒸薪無為狎吳叟坐戀秋江蓴

宋文鑑

陳洎

洎字亞之彭城人后山之祖皇祐中官鹽鐵副

使有詩集

眉山李奎云案陳公國朝正史實錄俱無傳然
常以歲月考求公嘗歷知懷州審刑院寶元間
自屯田員外郎為副端尋陞臺端已而出漕京
西淮南京東慶厯五年轉吏部員外郎加直史
館改使益梓路六年入為度支使副尋轉鹽鐵
后山集載皇祐元年以副使行河還卒今史亦
失書曲阜顏復云少于先子遺書中得公啟問
詩章讀之往往意在棲退若送行閭中詩公時
為審刑官朝中望譽始充大已有乞辭璠閒之
歎是知君子自重而不苟合者詩稿一卷詞格

秀古造句愈工則入淡泊愈深若借宅云四壁
舊貧寧畏盜一枝雖小易容巢贈無已師云他
年遠公社若箇是遺民藍溪閒適云露侵僧履
蘭三徑秋入農歌雨一犁秋居云井臼貧雖樂
溪山遠未歸貽漁者云擬共停撓醉天幕緩歌
濯足不迴頭詩大小二十二篇閨中送行不預
焉逸者可知已

離郭店馬上迴寄鄉知

迴望離亭映楚山慨然西笑入長安
貪程野僕擔書引惜別鄉人駐足觀
霞襯曙光烘積靄柳和春色蕩輕寒
遙知此地歸來日迎取相如駟馬看

過項羽廟

八千子弟已投戈
夜帳猶聞怨楚歌
學敵萬人成底事
不思一箇范增多

寄寶臣寺丞

萬里扶靈宅
壽阡謝公純
孝是家傳廬
開四尺成寒土
棖列三圍陋
昔賢先域定
生連理樹
門人多廢蓼莪篇
我心罔極君應念
露白霜清泣昊天

藍溪閒居

白鹿原東虎候西結廬岑寂映藍溪霜侵僧履蘭三逕
秋入農歌雨一犁耽枕溜聲疑水宿拂簷山色類巖棲
閉門養拙無人問揭盡陳篇日又低

開元寺凌虛閣對雪寄唐卿

瓊滴琳華一夜凝凌虛雕檻曉來凭眼觀銀色三千界
身到瑤臺十二層玉灑砌塵供庾斛粉融簷水妬房陵
化人宮好分明在恨不同君把袂登

雉媒

朱冠袞背一何鮮
聲厲情驕目悍然
若道物情皆錫類
雉媒爭似鴝媒賢

還劉處士先令公鄩功名錄

自注劉公事朱梁

當年力戰蕩妖氛
十萬雄師四七勲
將畧妙欺班定遠
家聲高過李將軍
銘圖魏鼎文猶在
筆勒燕山蹟尚分
今日閒披有遺恨
可憐生不遇明君

謝人惠三峯朱柿

烏棹珍果益丹明
新折紅林蒂尚青
漿冷夜凝仙掌露

味甘秋剖楚江萍圓堆玉椀櫻難並剩薦金尊酒易醒
應念茂陵消渴者整籃封貯到雲局

過田文墓

當年聞奏雍門琴話著池臺淚滿襟何況今朝陵谷畔
池臺無迹可追尋

對雪寄崔仲裕

自注時在藍田聞崔在酒舍

春鶴韜霞勢漸濃卷簾庭館好支筇乘槎路闊寒凝凍
種玉畦平曉被封天上瑤宮當月圓海中銀闕聳鰲峯

思君不得同吟賞，知在旗亭第幾重。

南齊

曲江歡宴侍華裾，舞拍琴歌藝有餘。獨有純臣王叔寶

解陳封禪一篇書。

自注南齊太祖曲江宴羣臣各使效伎藝褚淵彈琵琶王僧虔彈琴沈文

季歌張敬兒舞王敬則拍張王儉曰臣無所解唯解誦書因跪帝前誦相如封禪書帝笑曰此盛德之事吾何以堪之

湖上逢漁者

雨蓑烟笠洞庭秋，獨繭綸輕一葉舟。擬共停桡醉天幕

緩歌濯足不迴頭

秋日端居

暑退蟲雷靜門閒雀刺稀露莎蚤自急星樹鵲何依井

白貧雖樂溪山遠未歸時情似秋雁一一背寒飛

以上陳副

使集

蘇舜元

舜元字才翁舊字叔才開封人易簡孫皇祐中

為提點兩浙刑獄守尚書度支員外郎有集

明道雜誌才翁子美兄弟也子美名籍甚才翁
人少稱之然才翁書字清勁老健實過子美至
為詩有嘉句子美亦不逮也

送梁子熙聯句

大槩大辱能生死人

才叔

二物不並以撓厥真

子美

之子病

悶腸如車輪

才叔

勞憂到母餓寒著身

子美

世俗鹵莽輒置

莫親

才叔

文殺光豔伏不得伸

子美

悽吟哀號酸入四鄰

才叔

夜計破午若燕作秦

子美

腹憤軋軋胸奇陳陳

才叔

淮國晚

嶺吳渠春津

子美

去謝夙蘊歸逢故辛

子美

雌火相丑刮鑿

遜屯叔駕風鞭霆以脫凡鱗子美

苔溪漁隱叢話山谷云二蘇文章豪健痛快如此潘陸不足吞也

仙都山

龍車鳳輦入瑤天轍跡高懸不可攀唯有風吹闕水

青蓮花葉落人間仙都山志

青州資政寄示小楷伯夷頌許昌相公以詩跋尾
因作詩謝二公兼呈永興觀文相公舜元上

法書遙逐使車還嘉句新從相府頒牢落二賢天地外

自注孤竹
之二賢

風流三絕古今間
台文競耀高逾麗
化筆交

揮老更閒不用悲
吟恐飛去豈無神
物護重關

鐵網珊瑚

釣鼇石

在長樂當陽寺

未窮雙佛刹先到一漁家
山雨已殘葉溪風猶落花
汲

泉沙脈動敲火石痕斜
應是任公子竹閒曾煮茶

福州府志

句

斷香浮缺月古像守昏燈

宿僧院

明道雜誌

陳旸

旣皇祐閒袁州通判

題鄭都官墳祠

公沒歲已遠公名人競傳榛蕪四尺土風雅三百篇世

未泯斯道天實生我賢築宮古原上一奠一悽然

袁州府志

管師復

師復龍泉人從胡安定學隱居不仕人稱卧雲

先生

句

滿塢白雲耕不破一潭明月釣無痕
括蒼彙紀



宋詩紀事卷十九

欽定四庫全書

集部
宋詩紀事卷二十一

詳校官給事中臣鄧文泮

侍讀臣孫球覆勘

總校官進士臣繆琪

校對官中書臣朱烜

謄錄監生臣曹勲祖

欽定四庫全書

宋詩紀事卷二十

錢塘厲鶚撰

傅堯俞

堯俞字欽之鄆州須城人徙孟州濟源未冠舉至和四年進士英宗朝累遷起居舍人同知諫院哲宗朝拜中書門下侍郎卒贈銀青光祿大夫諡獻簡紹聖中以元祐黨籍奪諡有集

讀書

吾屋雖誼卑頗不甚蕪穢置席屋中間坐卧羣書內橫
風吹急雨入屋灑我背展卷殊未知心與古人會有客
自外來笑我苦癡昧何致雨侵衣屢問我不對必欲窮
所因起荅客亦退聊復得此心霑溼寧足悔

宋文鑑

李清臣

清臣字邦直魏人韓魏公妻以兄子舉進士治
平二年舉制科歷尚書右丞徽宗朝拜門下侍
郎出知大名府卒入黨籍有淇水集

墨莊漫錄李邦直有與韓魏公書云前書戲問
玉梳金篦者侍白髮翁幾欲淡死矣玉梳金篦
邦直之侍姬也或問命名之意邦直笑曰此俗
云和尚置梳篦耳

投韓太祝

公子乘閒卧絳幘白衣老吏慢寒儒不知夢見周公否
曾說當時吐哺無

青瑣高議韓魏公知中山李清臣謁見其姪吏
報曰太祝方寢清臣為絕句云云魏公見之曰
吾知此人以矣遂有東牀之選

題江干初雪圖

此身何補一毫芒
三辱清時政事堂
病骨未為山下土
尚尋遺墨話存亡
石林詩話

沂山龍祠祈雨有應作

南山高峻嶒北山亦嶒嶸
坐看南山雲出沒行如驅
歸巖呼始覺山中有靈物
鬱鬱其焚蘭單單其擊鼓
祝屢歌巫屢舞我民無罪
神所憐一夜雷風三尺雨
嶺木兮蒼蒼溪泉兮央央
雲散諸峯互明滅東阡西陌農事忙
廟閉山空音響絕

茗溪漁隱叢話

南遷作

居近城南樓步月時散策小市早收燈空山晚吹笛兒
呼翁可歸恐我意慘戚從來堅道念老去倦形役皇天
卒相予休以南荒謫宴坐及此時聊觀鼻端白

絕句

八尺方牀織白藤舍風漪裏睡曹騰若無萬里還家夢
便是三湘退院僧

以上後村詩話

送劉貢父倅海陵

吾儕客京師晨夕厭謹聒僦舍八九椽鬱滯增煩渴有
如轍中魚噞喁不可活百鳥趨高門趨趨互揮喝論辯
若難裁氣焰歟相奪所喪或捐軀所得未易撮我聞江
湖閒連山翠如抹山下走滄波山巔富松栝鳬鴨亂菰
蒲魚鼈聚坡塢世事劇飛電人生真漂沫誰其違樂遊
而此就顰額君直祕書閣日趨黃金闥忽思雲水行飄
然詎能遏朝出都門東襟曾迴披豁放舟下淮楚天地
頓空闊莫苦道路難暑令恍已末君看日月疾俯仰換

裘葛無謂監州微孔孟猶短褐時來發光華春陽奮枯
枿惟君飽才術流輩服穎脫早作歸朝期豈學弦與箏
揚州府志

蔡挺

挺字子正宋城人舉進士神宗朝歷樞密副使
判南京留司御史臺卒贈工部尚書諡敏肅

以南都種山藥法送介甫

并序

蒙見索南都種山藥法并以生頭百十莖送上因成

小詩

青青正是中分天區種何妨試玉筵即見引鬢綠夏木

定知如蹠薦冬筵

俗傳種時以足按之即如人足

潤還御水冰霜結蔭

迨堯雲雨露偏自裹自題還自媿握苗應笑宋人然

荆王

文公詩自注

皇子生獻詩

昨夜薰風入舜韶君王方避正衙朝陽暉已得前星助

陰沴潛隨夜雨銷

耆舊續聞熙寧六年有司言四月一日當日蝕
上為微樂避正殿一夕微雨明日不見日食是
日有皇子之慶百官入賀蔡子正為樞副因獻
此詩其序事切當時無能過之者

章望之

望之字表民浦城人卽公得象之姪以蔭為校
書郎監杭州茶庫移病去歐陽修韓絳等薦之
除知烏程縣固辭以光祿寺丞致仕有集

夏晝

一日常百刻轉若車輪忙千日十萬刻百年能幾長達

人齊古今一生甚微茫夏日豈為永而足以較量人世
不足惜行善乃自彰無及閒暇時般樂為淫荒夷齊餓
人者顏閔非公王其人品孰亞周氏與虞唐亦用仁義
積豈今身未亡富貴無可恃莫與公道強夜思晝以力
四序皆流光示君夏晝誦惕惕其自傷

宋文鑑

蘇洵

洵字明允眉州眉山至和中歐陽修薦除校
書郎以霸州文安縣主簿與姚闢同修太常因

革禮書成而卒有嘉祐集

雲興于山

雲興于山
霧霧為霧
匪山不仁
天實不顧
山川我享
為我百訴
豈不畏天
哀此下土
斑斑鴈鳩
穀穀晨號
天乎未雨
余不告勞
誰為山川
不如羽毛

我客至止

我客至止
我迎于門
來升我堂
來飲我樽
羞醜不時
詈我不勤
求我何多
請辭不能
客謂主人
惟子我然
求子

之多責子之深期子于賢

以上嘉祐集

淨因大覺璉師以閭立本畫水官見遺報以詩

水官騎蒼龍龍行欲上天手攀時且住浩若乘風船不知幾何長足尾猶在淵下有二從臣左右乘魚鼃矍鑠相顧視風舉衣袂翻女子侍君側白頰垂雙鬟手執雉尾扇容如未開蓮從者八九人非鬼非戎蠻出水未成列先登揚旗擅長刀擁旁牌白羽注強拳雖服甲與裳狀貌猶鯨鱸水獸不得從仰面以手攀空虛走雷霆雨

電晦九川風師黑虎囊面目昏塵烟翼從三神人萬里
朝天關我從大覺師得此詭怪篇畫者古閣子于今三
百年見者誰不愛予者誠以難在我猶在子此理寧非
禪報之以好詞何必畫在前

聲畫集

九日和韓魏公

晚歲登門最不才蕭蕭華髮映金罍不堪丞相筵東閣
閒伴諸儒老曲臺佳節已從愁裏過壯心偶傍醉中來
暮歸衝雨寒無睡自把新詩百遍開

瀛奎律髓詩話謂韓魏公九日飲執政老泉以
布衣與坐今味閒伴諸儒老曲臺之句即是修
太常禮之時非布衣也

涵虛閣

在南昌東湖國子博士李寅建

幽居少塵事瀟灑似江村苔蘚深三徑衣冠盛一門嶺

雲時聚散湖水自清渾世德書芳史傳家有令孫

南昌府志

胡歸仁

歸仁至和中成都人所為詩自號安定八體

集句

一第知何日無端意不移欲為青桂主誰與白雲期傍
架齊書帙翻瓢作酒卮文明終有托休把運行推

白沙溪繞白雲堆但有何人把酒杯專慕聖賢知志氣
可憐談笑出塵埃碧山終日思無盡清世難羣好自猜
風滿老松門晝掩可憐高尚揆天才

蔡寬夫詩話亦自精密但所取多唐末五代人
詩無復佳話耳

李宗易

宗易字簡夫宛丘人歷官尚書屯田員外郎知

光化軍事仕至太常少卿有詩集

閒居有感

進退荷君恩孤懷豈易論以閒銷日月何力報乾坤
架上書千卷花前酒一尊相持兩成癖此外盡忘言

靜居

大都心足身還足祇恐身心未閒但得心閒隨處樂
不須朝市與雲山

以上宋文鑑

題峴山石幢

叔子祠荒歲已深異時賢守重登臨岷山岑寂瞻風槩
漢水靈長想德音奉詔始聞新締葺有知那復歎湮沈
又刊翠琰留南夏先後功名照古今

襄陽府志

張伯玉

伯玉字公達建安人第進士嘗為蘇州郡從事
范文正公舉以應賢良方正能直言極諫科嘉
祐中為御史出知太平府後選司封郎中有蓬
萊集

鐵圍山叢談張端公伯玉仁廟朝人也名重當時號張百杯又曰張百篇言一飲酒百杯一掃詩百篇故也

明月泉

至今千丈松猶伴數巖雪不見纖塵飛寒泉湛明月

墨客揮犀張端公過姑孰見李太白十詠歎美久之周流泉石間後見一水清激詢地人曰此名明月泉公曰太白不題此泉將留以待我也

贈陳虞卿

東吳王孫歸挂冠玉絲紅鱸滿雕盤狂吟但覺日月久

醉舞不知天地寬
小圃移花山客瘦
夜窗擣藥橘童寒
新書近日成多少
且告先生旋借看

中吳紀聞

虎丘

東客從來過虎丘
橘花渡口維扁舟
闔閭宮殿不可見
但對古塔寒飈颼
憶昔夫差全勝日
水犀十萬橫吳鉤
楚山既掘荆人冢
越嶺仍將句踐囚
豈謂西施能破國
誰知麋鹿上臺遊
唯有吳王在時月
夜深閒照劒池頭

吳郡志

遙題錢公輔衆樂亭

句章太守錢君倚湖上新為衆樂亭花木豈徒遊子愛
笙歌長與郡人聽坐來高韻天風起飲罷餘香夕雨零
安得凭闌縱吟筆玉觴遙對數峯青

延祐四明志

張鑄

鑄官京東轉運使

與葛提舉

提司坑冶是新差職比催綱勝一階若發薦章求腳色

下官蹤跡轉沈埋

趙槩見聞雜錄張鑄以京東轉運使坐公事降
通判太平州葛洪為提舉坑冶取鑄腳色欲發
薦狀鑄與詩云云

梅堯臣

堯臣字聖俞宣城人詢從子以蔭補齋郎嘉祐
初召試賜進士擢國子直講歷尚書都官員外
郎卒有宛陵集

宋子京筆記余每見舊所作文章憎之必欲燒
棄梅堯臣曰公文進矣僕之詩亦然

歐公詩話聖俞子美齊名一時詩體特異子美筆力豪俊以超邁橫絕為奇聖俞單思精微以深遠閒淡為意各極其長雖善論者不能優劣歸田錄梅聖俞以詩知名三十年終不得一館職晚年與修唐書書成未奏而卒其初受敕也語其妻刁氏曰吾之修書可謂獼猴入布袋矣刁氏對曰君于仕宦亦何異鮎魚上竹竿耶聞者皆以為善對

韻語陽秋張芸叟評梅聖俞詩云如深山道人草衣捆屨王公大人見之屈膝
茗溪漁隱叢話舊說梅聖俞日課一詩寒暑未嘗易也

教陶孫詩評梅聖俞如關河放溜瞬息無聲

寄馬遵

三更醉下陵陽峯仙舟江上去無蹤
槎牙鐵鎖漫橫絕
槽溼不驚潭底龍
斷腸吳姬指如筍
欲剝玉樞將何從
短翎水鴨飛不遠
那經細雨山重重
卻顧舊埽病驄馬
塵沙歷盡空龍鍾

隱居詩話馬遵謫守宣州及其去也郡僚軍民
爭欲駐留至以鐵鎖絕江遵于餞筵倚醉令官
妓剝榷實而食春春若留連狀及以所乘驄寄
聖俞家郡人皆不疑其去也遵夜使人絕鎖解
舟以水沃槽牙使之不鳴逮曉舟去遠矣

舟中與家人飲

月出斷岸口影照別舸背且獨與婦飲頗勝俗客對月
漸上我席暝色亦少退豈必在秉燭此景亦可愛

西清詩話晏元獻守汝陰梅聖俞往見之將行
公置酒潁河上因言古人章句中全用平聲製
字穩貼如枯桑知天風是也恨未見側字詩聖
俞既引舟遂作五側體寄公云云

花娘歌

花娘十二能歌舞籍甚聲名居樂府荏苒其間十四年
朝為行雲暮為雨格高氣俊能動人人能動之無幾許
前歲適從江國來時因讌席相微語雖有幽情未得傳

暗結慙慙度寒暑去春從客出東城舟中接膝心已傾
自從稍稍有期約五月蓮航並釣行曲隄別浦無人處
始笑鴛鴦浪得名爾後頓逢殊燕婉各恨從來相見晚
月下星前不暫離暫離已抵銀河遠青鳥傳音日幾回雞鳴
歸去暮還來經秋度臘無纖失愛極情專易得猜前年
南圃尋芳卉小忿不勝投袂起官司乘釁作威凌督促
倉皇出閤里瀟瀟風雨滿長溪一舸飄然逐流水忽逢
小吏向城東泣淚寄言心欲死願郎日日致青雲妾已

長甘在泥滓更悲恩義不得終世事難憑何若此郎聞
此語痛莫禁天地無窮恨不已我今為爾偶成章便欲
緘之托雙鯉

莫打鴨

莫打鴨打鴨驚鴛鴦鴛鴦新自南州落不比孤洲老禿
鶻禿鶻尚有獨飛去何況鴛鴦羽翼長

侯鯖錄宣城守呂士龍好緣微罪杖營妓後樂
籍中得一客娼妙麗善歌有聲于江南士龍眷
之一日復欲杖營妓并麗華麗華曰不避杖但
恐新到某人不安耳士龍笑而從之麗華短肥

故聖俞作莫打鴨以解之

京師逢賣梅花

驛使前時走馬回
北人初識越人梅
清香莫把醪醕比
只欠溪邊月下杯

茗溪漁隱叢話東坡云此梅二丈絕句吾雖後輩猶及與之周旋覽其親書詩如見其抵掌談笑也

采石月下贈功甫

采石月下訪謫仙
夜披錦袍坐釣船
醉中愛月江底懸

以手弄月身翻然不應暴落飢蛟涎便當騎鯨上青天
青山有冢人謾傳卻來人間知幾年在昔熟識汾陽王
納官貫死義難忘今觀郭裔奇俊郎眉目真似工文章
死生往復如康莊樹穴探環知姓羊

苔溪漁隱叢話聖俞贈功甫云云余謂李白從
永王璘之辟璘敗當誅郭子儀請解官以贖其
罪有詔長流夜郎聖俞用此事尤為親切若非
姓郭亦難用矣功甫母夢李白而生功甫少有
詩名聖俞嘗曰天才如此真太白後身也

陳恭公挽詞二首

位至三公有恩加錫謚無再調金鉉鼎屢刻玉麟符已
歎鸞同穴還悲鳳少雛擁塗看鹵簿誰為畢三虞

公在中書日朝廷百事業王官多不喜天子以為忠富
貴人間少恩榮歿後隆若非笳鼓咽寂莫奈秋風

東軒筆錄陳恭公事仁宗兩為相悉心盡瘁百
度振舉然性嚴重語言簡直與人少周旋接賓
客以至親戚骨肉未嘗從容談笑尤靳恩澤士
大夫多怨之唯仁宗嘗曰不昧我者唯陳執中
耳及終也韓維張洵謚之曰榮靈仁宗特賜曰
恭薨後月餘夫人謝氏繼卒一子纔七歲諸姪
俱之官葬日門下之士唯解賓王至墓所世人
嗟悼之梅堯臣作挽詞兩首具載其事

劉丞相挽詞二首

處外諸侯重居朝聖主知祇逢庚子日夢異戊丁時歸
樽江山遠凝笳道路悲欲傳千古迹佐世本無為

古今皆可見富貴不常存歌者未離席弔賓餞在門朱
輪空返轍淥酒尚盈尊人事固如此令名貽後昆

東軒筆錄劉丞相沆鎮陳州日鄭獬經由丞相
為啓宴于外庭使妓樂迎引至通衢有朱衣樂
人誤音公性下急遽杖于馬前既而即席酒數
行而公得疾昇還府衙而終先是張侍讀環夢
公馬前有一朱衣人被血而立至是果有此變
梅堯臣為公挽詞詩二首具載其事

春雪

朔風三日暗吹沙
蛟龍卷沫噴成花
花飛萬里奪曉月
白日爛堆愁女媧
大明廣庭踏朝賀
雉尾不掃黏官鞞
宮中才人承聖顏
承觴稱壽呼南山
三公免責百姓喜
斗酒十千誰復慳

以上宛陵集

六一詩話蘇子瞻學士嘗于涓井監得西南夷人所賣蠻布弓衣其文織成梅聖俞春雪詩此詩在聖俞集中未為絕唱而異域之人貴重如此子瞻以余尤知梅聖俞者得之因以見遺余家舊畜琴一張乃寶歷二年雷會所斲其聲清越如擊金石遂以此布更為琴囊二物真余家

之寶玩也

卷二十

書竄詩

皇祐辛卯冬十月十九日御史唐子方危言初造膝曰
朝有巨奸臣介所憤嫉願條一二事臣職敢妄率宰相
文彥博邪行世莫匹曩時守成都委曲媚貴暱銀璫插
左貂窮臘使馳驛邦媛將夸侈中賫金十鎰為我寄使
君奇文織纖密遂傾西蜀巧日夜急鞭扶紅經緯金縷
排料闢八七比比雙蓮華篝燈戴心出幾日成一端持

行如鬼疾明年觀上元被服穩稱質燦然驚上目遽爾
有薄詰既聞所從來佞對似未失且云奉至尊于妾豈
能必遂回天子顏百事容丐乞臣今得粗陳狡獪彼非
一偷威與賣利次第推甲乙是惟陰猾雄仁斷宜首黜
必欲致太平在列無如弼弼亦昧平生況臣不阿屈臣
言天下公奚敢身自卹君旁有側目喑啞橫詆叱指言
為罔上廢汝還蓬華是時白此心尚不避斧鑕雖令禦
魑魅甘且同飴蜜既知弗可懼復以強詞窒帝聲亦大

厲論奏不容畢介也容甚閒猛士膽為慄立貶嶺外春
速欲為異物內外官洶洶陛下何未悉即敢救者誰襄
執左右筆謂此儻不容盛美有所拂平明中執法懷疏
又堅述介言或似狂百豈無一實恐傷四海和幸勿苦
倉卒亟許遷英山衢路猶嗟咄翊日宣白麻稱快口盈
溢阿附連諫官去若懷絮蝨其閒因獲利竊笑等蚌鷸
英州五千里瘦馬行駉駉毒蛇噴曉霧晝與嵐氣沒妻
孥不同途風浪過蛟窟存亡未可知旅館愁傷骨飢僕

時後先隨援拾橡栗粵林多蔽天黃柑雜丹橘萬室同
釀酤撫遠無禁律醉去不須錢醒來弄鳴瑟山水仍奇
怪已可消憂鬱莫作楚大夫懷沙自沈汨西漢梅子真
出為吳市卒市卒且不慙況茲別秉秩

東軒筆錄張堯佐以進士擢第累官至屯田員
外郎知開州會其姪女有寵于仁宗冊為修媛
堯佐遂驟遷擢一日中除宣徽節度景靈羣牧
四使是時御史唐介上疏引天寶楊國忠為戒
不報又與諫官包拯吳奎等七人論列殿上既
而中丞御史留百官列班以廷諫卒奪堯佐宣
徽使知河陽唐謂同列曰是欲與以宣徽而假
河陽為名耳我曹豈可中已耶同列依違不前

唐獨爭之不能奪仁宗諭曰差除自是中書介
遂極言宰相文彥博以燈籠錦媚貴妃而致位
宰相今又以宣徽使結堯佐請逐彥博而相富
弼又言諫官觀望挾奸而言涉宮掖語甚切直
仁宗怒亟召兩府以疏示之介猶諍不已樞密
副使梁適叱介使下殿介諍愈切仁宗大怒玉
音甚厲衆恐禍出不測是時蔡襄修起居注立
殿陛即進曰介誠狂直然納諫容言人主之美
德必望全貸遂貶春州別駕翊日御史中丞王
舉政救解之改為英州別駕始上怒未已兩府
竊議曰若重貶介則彥博不安彥博去即吾屬
遞遷矣既而果如其料當是時梅堯臣作書竄
詩云云始堯臣作此詩不敢示人及歐陽修編
其集時有嫌避又削出此詩是以少人知故全
錄焉

贈王英英

山陽女子大字書不學常流事梳洗親傳筆法中郎孫

妙畫蠶頭魯公體

隱居詩話楚州有官妓王英英喜筆札學顏魯公體蔡襄頃教以筆法晚年作大字甚佳梅堯臣贈之詩云云英英貌甚陋故有不事梳洗之句中郎孫君謨也

詠老人泉

泉中有老人隱見不可常蘇子居其間飲水樂未央泉中必有魚與子日倘伴泉中苟無魚子持玩滄浪歲月

不知老家有雛鳳凰百鳥戢羽翼不敢呈文章去為仲
尼歎出為盛時祥方今天子聖母滯此泉旁

苔溪漁隱叢話東坡言先君與梅二丈遊時載
與子由甚少未有知者梅公獨知之家有老人
泉公作詩云云聖俞歿今四十年矣南遷至合
浦見其門人歐陽晦夫出其詩豪數十幅其遺
晦夫詩云我家無梧桐安得久留鳳晦夫年六
十六尚少余一歲然白髮蒼顏畧相似困窮亦
不相遠執手大笑曰聖俞所謂鳳者豈例皆窮
如此乎

句

不見分香妾空餘鬪鴨闌

趙韓王故宅

竹陰過晚雨林表見

殘紅約

涼鬢約寒鴉碧衣輕舞蜨黃

會東堂

斜陽鳥外落新

月樹端生

泛江

綠草旋抽心青梅猶帶萼

暮春

五更千里夢

殘月一聲雞

夢後寄永叔

雨過短亭雲斷續鶯啼高柳路西

東

送趙徐州

有客過顏巷無貧似阮家

和希深見過

曉漲林煙重

春歸野水平

廣福閣

好峯隨處改幽逕獨行迷

山晚雲行

連雨黑秋水帶沙渾

朱家曲

山形無地接寺界與波分

金衣霜寒食雨花發故宮牆

送人永寧

迸筍過幽草吹香到

別家

春日東齋

懸蟲低復上鬬雀墮還飛

秋日家居

風雨幽

林靜雲烟古寺深

遊嵩避雨

野色逼人寒嵐光添酒綠

牛首

山

霜氣冷侵被月光斜入扉

省中初直

對山憐去鳥隔樹

識遊人

泛西湖

長楊靜響千重瓦太液寒生幾寸波

雨

南嶺禽過北嶺叫高田水入低田流

經田家

野鳬眠岸

有閒意老樹著花無醜枝

東溪

花寒蛺蝶猶相守水冷鴛

鴛不暫分

寄王學士

吟窗雜錄

張獻民

獻民宣城主簿嘗與梅聖俞倡和

朝陽洞

撇衣秉火捫石入路硬磽确黑如漆窮深不見瞿矐生
洞中依舊石藏室

夕陽巖

屹嶂欲到倚山腳涵雲洩雨摩半空向晚呀然射顏照
疊石爛爛參差紅

以上寧國府志

吳季野

季野與梅聖俞同時倡和

遊山門寺望文脊山

宣城百山間文脊尤奇峯拔出飛鳥上圖畫難為容聞
昔有幽人捫蘿追赤松遺形此石室孤坐鹿裘重人去
邈不返洞壑空藏龍側行蒼崖烟俯仰求靈蹤逝者追
可得甘棄萬戶封安能久塵土傾倒相迎逢

寧國府志

柳 紳

紳官著作佐郎

仙都山

獨出諸峯表，周圍一丈圓。
千尋雄鎮地，萬仞上擎天。
湖浪動星際，荷花生日邊。
終當駕雲鶴，絕頂會神仙。

仙都山志

陳若拙

若拙處州守

題仙都山

發地更擎天，根盤數畝烟。
化工成突兀，轍迹似雕鐫。
峭拔殊無倚，孤高衆莫肩。
軒轅從此去，知復幾千年。

仙都山志

曾鞏

鞏字子固建昌南豐人易占長子嘉祐二年進士調太平州司法參軍召為集賢校理出知福明等州神宗朝加史館修撰中書舍人卒有元豐類豪續豪外集

麻姑山送南城尉羅君

麻姑之路摩青天蒼苔白石松風寒峭壁直上無攀援懸磴十步九屈盤上有錦繡百頃之平田山中遺民耕紫烟又有白玉萬仞之飛泉噴崖直瀉蛟龍淵豐堂廣

殿何言言階腳插入斗牛閒
樛枝古木不計年空嗟朽
然卧道邊幽花自嬋娟
林深為誰妍但見塵銷境靜翔
白鶴吟清猿雛禽乳鹿往往嘒
荒顛卻視來徑如緣絙
千重萬疊窮巖巒下有荆吳粟粒之羣山
又有甌閩一髮之平川
爽棊縱橫遠近布菽麥魚鱗參差高下分岡
原千奇萬異可意得筆墨禿盡誰能傳
丈夫舒卷要宏達
世路俯仰多拘牽偶來到此醒心目便足洗耳辭蹢
喧羅夫子一日遠補東南官愛此層崖峻壑之秀發開

軒把酒可縱觀喜此披霧插漢之笈起出門舉足得往
還羅夫子一尉東南方屈盤此邦之人衣食足問境年
年桴鼓閒几案剗裁得休暇山水登躡遺紛煩我行送
之思故國引領南望心常懸

金山寺

塵外宮雘驚嶺宮架虛排險出青紅林光巧轉滄波上
海色遙涵白日東夜靜神龍聽呪食秋涼蒼鶻起搏風
連荆控蜀長江水盡在迴廊顧盼中

錢塘上元夜祥符寺陪咨臣郎中丈燕席

月明如畫露華濃錦帳名郎笑語同金地夜寒消美酒
玉人春困倚東風紅雲燈火浮滄海碧水樓臺浸遠空
白髮蹉跎歡意少強顏猶入少年叢

鮑山

在濟南城東三十里世傳鮑叔牙管仲分金處下有鮑城蓋叔牙食邑

雲中一點鮑山青東望能令兩眼明若道人心似矛戟
山中那得叔牙城

聖壽院昌山主靜軒

一峯瀟灑背城陰碧瓦新堂地布金花落禪衣松砌冷
日臨經帙紙窗深幽棲鳥得林中樂燕坐人存世外心
應是白蓮香火社不妨籃輦客追尋

凝香齋

在濟南郡舊名西齋文定公取韋應物燕
寢凝清香之句更名

每覺西齋景最幽不知官是古諸侯一尊風月身無事
千里耕桑歲有秋雲水醒心鳴好鳥玉砂清耳漱寒流
沈心細細紬黃卷疑在香爐最上頭

多景樓

欲收嘉景此樓中倚徙闌干四望通雲亂水光浮紫翠
天含山氣入青紅一川鐘唄淮南月萬里帆檣海外風
老去衣襟塵土在祇將心目羨冥鴻

金線泉

玉甃常浮顥氣鮮金絲不定路南泉雲依美藻爭成縷
月照寒溪巧上弦已繞渚花紅灼灼更縈沙竹翠娟娟
無風到底塵埃盡界破冰綃一片天

能改齋漫錄齊州城西張諫議園亭有金線泉
石甃方池廣袤丈餘泉亂發其下東注城壕中

澄澈見底池心南北有金線一道隱起水面曾南豐有詩

霧松

園林初日靜無風霧松開花處處同記得集英深殿裏

舞人齊插玉瓏鬆

墨莊漫錄東北冬月寒甚夜氣塞空如霧著于林木凝結如珠玉見晧乃消齊魯謂之霧松諺云霧松重霧松窮漢置飯甕豐年之兆也曾子固在齊州詩云云

北歸

江海多年似轉蓬白頭歸拜未央宮堵牆學士爭相問

何處塵埃瘦老翁

以上元豐類豪

將行陪貳車觀燈

行歌紅粉滿城歡
猶作常時五馬看
忽憶使君身是客
一時揮淚逐金鞍

赴齊州

淮南蒙召鬢毛斑
乞得東秦慰病顏
曉整輕鞍汶陽北
卻衝微雨看青山

以上合璧事類後集

曾布

布字子宣鞏弟與兄同年登第熙寧初除崇政
殿說書元豐初累官戶部尚書哲宗朝擢同知樞
密院事徽宗即位以定策功拜尚書右僕射崇
寧初出知潤州連遭貶竄復提舉嵩山崇福宮
卒贈觀文殿大學士諡文肅入黨籍

能改齋漫錄曾子宣以亥年亥月亥日亥時生
章子厚每以四亥公呼之

表海亭

表海風流舊所聞青冥飛觀一番新山河十二名空在

簪履三千迹已陳極目烟嵐九霄近滿川樓閣萬家春
由來興廢南柯夢且喜登臨屬後人

東臯雜錄青社表海亭取太公表東海之義元祐初曾子宣為守鼎新之有詩云云

布作高陽臺衆樂園成被命與金陵易地兄弟待
罪侍從對更方面實為私門之慶走筆寄字開弟
樓臺丹碧照天涯塞北江南未足誇千里烟波方種柳
萬株桃李未開花一麾同下西清路兩鎮高迎上將牙
回首林塘莫留戀風光還屬阿連家

瀛奎律髓此事古今希有將吏交迎送于途誠
盛事也後子宣相子開當制尤為盛事又其後
居京口先後一日卒惜子宣為小人之相

靈泉寺

一掬寒泉照眼明冰霜凜凜坐中清生芻想見當時客
華屋空留後世名曉日淨涵金碧影秋風暗動佩環聲
他年卜築南山下白首何人共濯纓

撫州府志

曾孝寬

孝寬字公綽公亮子以蔭仕熙寧中累官簽書

樞密院事吏部尚書卒贈右光祿大夫

史院席上奉和首相吳公元韻

御府盼醇釀君恩錫餽餘賜筵遵故事紬史重新書燕
飲難偕此風流不偉歟素殮非所職媿附相君車

揮塵後錄

馬端

端官太常博士通判延州軍州事

司馬晉州待制哀辭

石刻在夏縣司馬公祠堂

志古流難合談高道自明風波直恩分

公為羣牧倖當曹之遷也人以

公始嘗堅辭其辟當自為辨公惻然謝曰鉞石盡交情

今日正宜從其行也卒不以辨識者趨之

公與人交必盡規諫始若

讓節蒙知厚

公在鳳翔日被召知諫院公辭

不勝其言退則敦義彌篤

之自是深簡上心

華班絕綺榮公生平特立至為

賤生懷

感遇當路假晶熒

端辱公以八使慰薦遂蒙改官

累次青油幕

端在益昌及岐

下皆預賓席

中閒白玉京吏文容議緩

端在幕府每奉公議特被優假

邦事卹言輕

戊寅年端輒奏疏言事公時在京師嘗見憫孤直

自此嗟流梗何

期苦見兵

是歲別公出宰郾城明年移倅邊郡

塞垣心易動漳浦信

彌驚

今春得三堂信知公屬疾

玉蘂悲無驗金臺望忽傾歲闌雲

慘淡天迴淚縱橫世有真忠亮今亡至直清舊僚知葬

日投此弔佳城

嘉祐元年十月三十日著作佐郎管句河東路機宜文字雷憲書求古錄

祖世英

世英字穎仲浦城人第進士通判融州

三學院

在新城縣郭文舉捨宅為寺

洞庭之山天下奇岡巒百轉盤青螭金堂玉室白雲鎖
中有仙客來棲遲方晴秀骨郭文舉孤劍青鞵出巖戶
謁來此地訪禪翁共掃松花談太古拏雲忽駕升天行

西歸隻履埋巖坳聲流影散遽如許故山惟有松風清
道師懷古興不淺堂宇橫陳迎翠巘悠悠遐想山阿人
水帶雲衣猶在眼涼飈五月吹浮埃蕉旗竹簞搖空階
我來箕踞發長嘯月光飛射雲樓開寸心浩蕩逸天外
欲去復佳聊徘徊永懷西山五色藥服之羽化登蓬萊

杭州府志

宋詩紀事卷二十